

# Denhngoz Banh 2017 Nienz Dahraemxhoengz Ciet Caemzgvej Minzsuz Vwnzva Bouxcuengh

## 天峨县举办 2017 红水河壮族蚂拐民俗文化节

2 nyied 7 hauh daengz 8 hauh(cingnyied cib'it daengz cibngeih), Denhngoz Yen 2017 nienz Dahraemxhoengz ciet caemzgvej minzsuz vwnzva Bouxcuengh youq Luzbaiz Cin Nazdung Cunh mbanjnazluj gawj-hengz, miz baenz fanh hekyouz bae camgya youz-angq.

Ciuq cam rox, Nazdung Cunh ciet caemzgvej gaenq laebdaeb gawjbanh ndaej 7 gaiq, gungh yinx ndaej ndaw guek rog guek hekyouz 5 fanh lai vunz daeuj ngonzyawj.

(Liuz Yaujginh/刘晓军 Loz Swyungj/罗仕勇 Moz Lanzginh/莫兰君)



▲Lwgsau diuq fouxndaemnaz.



▲Duzgvej diuq foux.

◀Bouxlaux fouxgvej faen raemxsien hawj dahsau.



▲Diuh beibiu Ranzmax habciengquenz.

## Yinznanz Caemh Miz "Cunhvanj" Vahcuengh 云南也有壮语“春晚”

1 nyied 28 hauh banringzgvaq, Yinznanz Swngj Giuhbwz Yen Bingzcai Yangh Lanzmaj Cunh gawjhengz le daih'it gaiq lajmbanj Vahcuengh ndwencieng lienzvuen hozdung. Vanjvei senhconz fukvang yungh cih saw hung Cuengh Gun doiqciuq sij okdaeuj: "Angq Hoh Gozvuyen Baecinj 《Sawcuengh Fangh' an》 Doihengz 60 Hopbi Nem Lanzmaj Cunh Haibanh Sawcuengh Lwngyez Yozcenzbanh 30 Hopbi". Vanjvei yinx daeuj ca mbouj lai 3000 lai vunz humx yawj.

Gawq boux banh aen hozdung neix gangj, mbat hozdung neix dwg gag youz Lanzmaj Cunh vunz lai gag bien gag yienj, gij cienz hozdung 2.3 fanh maenz haenx hix dwg ndaw Lanzmaj Cunh vunz lai gag comz. Vanjvei doenggvaq yungh Vahcuengh ciengq go caeuq yungh Vahcuengh eu fwen, yienj foux minzcuz daengz hingz sik, ndaej yienh'ok gij yienzbonj yienzyiengh yenzswngghdai vwnzyi gyaundeide.

Giuhbwz Yen youq Yinznanz Swngj mbiengj doengnamz, baihbak caeuq Guengjsae Sihlinz Yen doxciep.

(Luz Swngghyungz/陆生雄)

## Sanhgyangh: Mbanjcuengh Cietfaenjmaenz Angqyangz Nauh Cieng Cibngux

### 三江：壮乡薯粉节 欢乐闹元宵

2 nyied 8 hauh, Sanhgyangh Duncuz Swciyen Hozbingz Yangh gawjbanh daih'it gaiq cietfaenjmaenz, dangdieg vunz lai aeu gunghyi liuzcwnz guh faenjmaenz caeuq minzsuz vwnva ma biujyenj, lij miz cien vunz gwn "hojgoh" daengj lai cungj hozdung angh nauh cieng cibngux, yinx ndaej haujlai hekyouz bae yawjgonz camgya.

"Faenjmaenz Hozbingz" gij gunghyi de dwg daj Cinghcauz bi Gyahging riuzcienz roengzdaeuj, dwg aeu gij maenz youz nungzgya bonjfaenh gag ndaem haenx ginggvaq swiq cingh, muh baenz giengh, daih gvaq, caem dingh, cwngh faenj, ronq sei, langh hawq daengj gij gunghyi hong lai labcab he cij ndaej guh baenz, de aeu sangj bak saeqnaeh, nyangqnyet naih cawj, yingzyangj lai daengj ndaej okmingz.

(Gungh Bujgangh/龚普康)



▲Vunz lai yawj hei q dinghcubcub.

## Yungzsuij: "Heiq Vaiz" Cung Mbwn Dwk Doengznienz

### 融水：“牛气”冲天打同年



▲Boq venz daeuq lwgsau.

1 nyied 7 hauh, Yungzsuij Myauzcuz Swciyen Aenvenz Hezvei bae daengz ndaw yienh Anh dai Yangh Linzung Cunh Mbanjbeizgoh guh dwk doengznienz lenzyiz hodung.

Dwk doengznienz dwg aen yienh neix hangh lenzyiz hozdung hung minzcuz conzdungj riuzcienz geij bak bi he, itbuen dwg song aen mbanj ndawde gag doxiu dingh guh, gawjhengz seizgan dingz lai cungj dwg dingh youq ndwencieng ndawde, song mbiengj cungj doxheuh naeuz doengznienz(gij ei qsei couh dwg baengzyoux).

Dwk doengznienz faen baenz vaiz, mou, yienz sam aen daengjgaep, vaiz dwg daengjgaep ceiq hung, bouxcaj cing duzvaiz gvax doengznienz sam hop le, couh gaj vaiz dakdaih doengznienz bouxhek.

Dwk doengznienz hozdung lai cungj lai yiengh, itbuen dwg guh song hwnz sam ngoenz, baugvat haeuj mbanj yizsi, boq venz diuq foux lienzvuen, ngaizbakranz, angq soengq yizsi daengj. (Gungh Siengzyouj/龚祥友)